

# Iqqanaijaqatigiit

Nunavutmi Kavamat unalu  
Nunavutmi Tungavik  
Havaqatigiiktut



## *Piquyivungagut*

**IMAINMAT**, Gavamatkungit Nunavut (GN) Nunavut Tunngavitkullu (NTI) pivikhaqarumangmata naunaiyaijutikhamik kiuniagahuarutikhaniglu atauttinik tikittauyumayunik hivullitjauhimaguniglu.

**HADJA, TALVANGA**, GN-kut NTI-kullu angiqtuk havaqatigiigutikhamingnik aturlugu *Iqqanaijaqatigiit*.

## *Hivuani*

Aturlugu Kangiqtugaarpmi angigut atiliuqtauhimayuq 1999-mi, *Iqqanaijaqatigiit* naunaiyautiuniaqtuq havaqatigiikgutikhaanik NTI-kut GN-kullu.

Vutiqtauhimayut hivulliuqtit tamaarmiituni timingni ihumaliurmata Kangiqtugaarpmi Angigut angmaktayukhauyuq. *Iqqanaijaqatigiit* iniqtiqtauyuq uuma havakatigiikgutikhap nauniatigut.

*Iqqanaijaqatigiit* ayaugutauniaqtuq havakatigiikningata NTI-kut GN-kullu. Pivaalliqtirnia havakatigiikniup amigaikyuminahuarhugit ikayuutayukhauyut tamainnut Inungnut Nunavunmiunullu.

## *Inmingnik Ilittarimaniq*

GN ilittarimayaat NTI iniaqtut Nunavulirinirmi Inuit timilluagigamitjuk timiutjutikakhutik uqaqtiuplutik Inungnut Nunavunmi mighaagut Inuit ayungitjutingittigut ikayuutikhangittigullu Nunavut Angigutatigut. GN ilittarimayurlu NTI-kut timiutjutaanik allanik kammagiyagiaqqtut hapumminahuarlugit kulvaktinahuarlugillu piumayait Inuit nunaqaqqaqtunirmikkut.

NTI ilittarimayaat GN, pitilugit vutiqtaunikkut kammayuiplutik gavamautillugit, kivgaktuyariaqqtut ihagiagiyaayunik hivullitigiyainglu tamainnit Nunavunmiunit, atjigiiktittinikkut.



## *Huuq*

*Iqqanaijaqatigiit* tunngavikhak timiuyunut atauttikkut havaqatigiigutikhamik ihuaqtumik naunaiyailutik:

- Tamaarmingnitpiyauyumayunik allaniglu hivulliugutjauhimagayunik qanurlu havagutikhainik tatqihitugutikuhainiglu;
- Havakatigiigutikhat kammayuiniaqtullu atanguyavaluit;
- Katimaqattarvikhainik kammayuiniaqtut ihivriurivagiagini hivumurnirringnik havaahallu naunaiyaffaarlugit;
- Uqaqatigiigutikhamik ihuakhaitjutikhanik anngiqatigiiligumik NTI-kut GN-kullu.

Iqqanaijaqatigiit titigaqtauhimayuq kulvaktinahurittugu havaqatigiikniat GN-kut NTI-kullu kivgaktuittiarnaqtumik inungnik piumayaayuniglu Nunavunmi.

## *Tamarmingnit Piumayaayut*

GN-kut NTI-kullu illittarimayaat hivumuriniat tikittauyumayut Nunatarutunmi, tikinnianullu apquhirhimayut tamaarmingnit piuyayumayut.

Timiuyut qinirhiavakniaqtut piumayaayunik ukuiqtamaarhiunmingni katimagaigumik. Talvanga hivulliurilutik.

Atuni piumayaayuni, atanguyavaluit havaktillu Timiuyuni naunaiyainiaqtut hivumuyunaqtunik havakatigiigutikhanik. Tikittauyumayut havautikhaillu tatqihitikkugutikhallu iniqtiqtaulutik.

Makpigaaq ilulilik piumayaayunik, hivulliurutinik tikittauyumayunik havautikhainiglu tatqihitikkugutikhallu ilautiyauniaqtuq Iqqanaijaqatigiinut nutaanguqtiqtauvakluni piyariaqaqqat.

Angiqqatigiirunaiguttiqalirnikkat iniqtirniatigut tukkiliurutatigulluuniit tuniyauniaqtuq ihuarhautikhakhiugutikhanut Ministaup Tuglianut Hivulliuqtini Gavamaliriyitkunillu Atanguyagaanullu NTI\_kut.

Angiqqatigiilimaikanik tapkua Ministaup Tuglia Atanguyaallu NTI-kut, tuniyauniarmiug Hivulliuqtianut Nuanvut Angiyuqqanganullu NTI-kut.

Tamaarmik GN-kut NTI-kullu illittarimayuk anngiqqatigiiginalimaittut. Imainnikkat, Timiuyuk pimmaruhukniaktuk inmingnik.



## ***Tuhaumatittinik***

GN-kut NTI-kullu angiqqatigiiktut tuhaumatittinirmut mighaagut hunallikak tamaarmingnut ihumalutauyunik piimayauyuniglu angmaumalutik kinguvaktaililutiglu, iluaguklutik maligatigut maniktigullu.

## ***Katimaniat Hivulliuqitp Angiyuqqaplu***

Ukiuq tamarhiunmik katimavakniaqtuk tamaarmik Timiuyuk kivagktuqtaulutik Hivulliuqtianit Nunavut Angiyuqqaganillu NTI-aip. Hapkua ukiuq tamarhiutit katimaniit:

- naunaiyautiuniaqtut piimayauyunik, uqariyauvikhainiglu;
- naunaiyautiuniaqtut atauttikkut hivulliuganik tikittauyumayunik qanuriliurutikhaniglu tatqihutikkugutikhaniglu; uvvalu
- ihviriurlugit havakatigiikgutauyut katimalgaarnirmingnit.

Atuni Timiuyuk qaitquittaqtuq allanik vutiqtauhimayunik havaktiiniglu kaitmanirmingnut ukiuq tamarhiunmut. Hivuagut ukiuq tamarhiutit katimaniup, Timiuyuk angiqatigiiglaqtuk katimayutjutikhanik.

## ***Katimaniat Atanguyavalliut***

Atanguyavalliut GN-kunit NTI-kunillu katimaqattarniatut, katimanikhanullu Hivulliuqtiit Gavamaliriyitkullu Ministaup Tugliata katimatquigaikpat GN-kunik Atanguyaniglu NTI-kut.

Katimavakniaqtuk Ministaup Tuglia Atanguyaallu NTI-kut tatqihut atauhiarlugu. Puigunngillugu, Katimaniaqtut kilamik ayurnagitpat katimatquikpat Ministaup Tuglia uvvaluuniit Atanguyaat NTI-kut.

Ministait Tugliit Atanguyaalu NTI-kut tiliurittaqtut qanurlikak turangiaqtunik atauhirmut havaktimingnik havarlutik katimayigalaakhanik ikayuutauniarumik timiuyuk havakatigiikniannut.



# Allanguqtirnia Hivittunialu

Una Angigut allanguqtiqtauttaqtuq qakungugangat titiqqatigut angiqatigiikkumik Timiuyuk. Atuqtauginnarniahunilu atauhiq tamaarmikluuniit Timiuyuk ahiagut uqaqqanik.

Timiuyuk, tunihigumi titigarhimayumik, tiliurittaqtuq ayunginirmik kivgakhaminnut allanguqtirutikhainik ilaurutinik.

Atiliuqtauyuq umani \_\_\_\_\_ ublungani \_\_\_\_\_, 2004, \_\_\_\_\_-ni, Nunavut.

Paul Okalik  
Hivulliuqti  
Gavamatkungat Nunavut



Paul Kaludjak  
Angiyuqqaq  
Nunavut Tunngavik Timingat



**Nunavut Tunngavitkut Timingat (NTI) – Nunavut Gavamangat (GN)**

**Iqqanaijaqatigiit – Havaqatigiit**

# *Hivulliugiyauyut*

**Kanatamik Piqatigarniq**

- NLCA – Kantramik Hivumurinirmut Aivakgutit
- Aviktuiniq
- Kiklit Qaliriiktut Mighagut

**Pivallianiq**

- Hivumuriniq Nuanvunmi Pivallianirmut Apquhiugarmik
- NNI
- Ilulik 2.7.3

**Inuliriniq Iitquhilirinirlu**

- Anniatailiniq
- Igluliriniq
- Inutuqait Inulgamiillu
- 

**Ilinniarniq Ilihaffarniq Uqauhiliriniq**

- Ilinniarniq
- Uqauhiliriniq
- Inirniit Ilihaffarutikhagut

**Avatiliriniq**

- Umayulirinirmut Maligap Atuppauhikhait
- Munarhinirmut Pivikhautit
- Tuqunaqtulingnik Halummarhiniq

**Tuhaumatittiniq Uqaqatigiiknirlu**

- Tuhaumatittiniq
- Uqaqatigiikniq
- NLCA Qauyimaniq

